

大般涅槃經

卷三十六

百廿五
率六

48029



元祿九年丙子二月日重脩

皇圖瓊閣 帝階級呂

佛日增輝 懋輪常轉

山城州天安寺法金剛院置

大般涅槃經卷第三十六

北涼天竺三藏曇無讖奉

詔譯

大般涅槃經迦葉菩薩品第十二之四

善男子智不具足凡有五事是人知己求近
 善友如是善友當觀是人貪欲瞋恚愚癡思
 覺何者偏多若知是人貪欲多者即應為說
 不淨觀法瞋恚多者為說慈悲思覺多者教
 令數息著我多者當為分拆十八界等是人
 聞已至心受持心受持已如法脩行如法行
 已次第獲得四念處觀身受心法得是觀已
 次第復觀十二因緣如是觀已次得煖法迦
 葉菩薩白佛言世尊一切衆生悉有煖法脩



以故如佛所說三法和合名為衆生一壽
煖三識若從是義一切衆生應先有煖云何
如來說言煖法因善友生佛言善男子如汝
所問有煖法者一切衆生至一闡提皆悉有
之如我今者所說煖法要因方便然後乃得
本無今有以是義故非諸衆生一切先有是
故汝今不應難言一切衆生皆有煖法善男
子如是煖法是色界法非欲界有若言一切
衆生有者欲界衆生亦皆應有欲界無故當
知一切不必都有善男子色界雖有非一切
有何以故我弟子有外道則無以是義故一
切衆生不必都有善男子一切外道唯觀六

行我諸弟子具足十六是十六行一切衆生
不必都有如葉菩薩白佛言世尊所言煖法
云何名煖爲自性煖爲他故煖佛言善男子
如是煖法自性是煖非他故煖迦葉菩薩言
世尊如來先說馬師滿宿無有煖法何以故
於三寶所無信心故是故無煖當知信心即
是煖法善男子信非煖法何以故因於信心
後得煖故善男子夫煖法者即是智慧何以
故觀四諦故是故名之爲十六行行即是智
善男子如汝所問何因緣故名爲煖者善男
子夫煖法者即是八聖道之火相故名爲煖
善男子譬如撥火先有煖氣次有火生後則

煙出是無漏道亦復如是煖者即過十六行
也火者即須陀洹果煙者即是備道斷結
迦葉菩薩復白佛言世尊如是煖法亦是有
法亦是有為是法報得色界五陰是故名有
是。因緣故復名有為若是有為云何能為無
漏道相佛言善男子如是如是如汝所說善
男子如是煖法雖是有為有法還能破壞有
為有法是故能為無漏道相善男子如人乘
馬亦愛亦策煖心亦亦愛故受生厭故觀行
是故雖復有法有為而能與彼正道作相得
煖法人七十三種欲界十種是人具足一切
煩惱從斷一以至于九以如欲界初禪乃

無所有處亦復如是是名七十三種如是等
人得煖法已則不復能斷於善根作五逆罪
犯四重禁是人二種一遇善友二遇惡友遇
惡友者暫出還沒遇善友者徧觀四方觀四
方者即是頂法是法雖復性有五陰亦緣四
諦是故得名徧觀四方得頂法已次得忍法
是忍亦介性亦五陰亦緣四諦是人次得世
第一法是法雖復性有五陰亦緣四諦是人
次第得苦法忍忍性是慧緣於一諦如是忍
法緣一諦已乃至見斷煩惱得須陀洹果是
名第四徧觀四方四方者即是四諦迦葉菩
薩白佛言世尊如佛先說須陀洹人所斷煩

惱猶如縱廣四十里水其餘在者如一毛滄
此中云何說斷三結名須陀洹一者我見二
者非因見因三者疑網世尊何因緣故名須
陀洹徧觀四方復何因緣名須陀洹復何因
緣說須陀洹喻以錨魚佛言善男子須陀洹
人雖復能斷無量煩惱此三重故亦攝一切
須陀洹人所斷結故善男子譬如大王出遊
巡時雖有四兵世人但言王來王去何以故
世間重故是三煩惱亦復如是何因緣故名
之爲重一切衆生常所起故微難識故是故
名重如是三結難可斷故能爲一切煩惱因
故是三對治之怨敵故謂戒定慧善男子者

諸象生聞須陀洹能斷如是無量煩惱則生
退心便作是言象生云何能斷如是無量煩
惱是故如來方便說三如汝所問何因緣故
須陀洹人喻觀四方善男子須陀洹人觀於
四諦獲得四事一者住堅固道二者能徧觀
察三者能如實見四者能壞大怨堅固道者
是須陀洹所有五根無能動者是故名爲姓
堅固道能徧觀者悉能訶責內外煩惱如實
見者卽是忍智壞大怨者謂四顛倒如汝所
問何因緣故名須陀洹者善男子須名無漏
陀洹名脩集脩集無漏名須陀洹善男子復
有須者名流流有二種一者順流二者逆流

以逆流故名須陀洹迦葉菩薩言世尊若從
是義何因緣故斯陀舍人阿那舍人阿羅漢
人不得名爲須陀洹耶善男子從須陀洹乃
至諸佛亦得名爲須陀洹若斯陀舍乃至諸
佛無須陀洹云何得名斯陀舍乃至佛一切
衆生名有二種一者舊二者客凡夫之時有
世名字旣得道已更爲立名名須陀洹以先
得故名須陀洹以後得名斯陀舍是人亦
名須陀洹亦名斯陀舍乃至佛亦復如是善
男子流有二種一者解脫二者涅槃一切聖
人皆有是二亦得名須陀洹亦名斯陀舍
乃至佛亦復如是善男子須陀洹者亦名善

薩何以故菩薩者即是盡智及無生智須陀
洎人亦復求索如是二智是故當知須陀洎
人得名菩薩須陀洎人亦得名覺何以故正
覺見道斷煩惱故正覺因果故正覺共道及
不共道故斯陀含乃至阿羅漢亦復如是善
男子是須陀洎凡有二種一者利根二者鈍
根鈍根之人人天七返是鈍根人復有五種
或有六五四三二種利根之人現在獲得須
陀洎果至阿羅漢果善男子如汝所問何因
緣故須陀洎人以喻錯魚善男子錯魚有四
事一者骨細故輕二者有翅故輕三者樂見
光明四者銜物堅持須陀洎人亦有四事言

骨細者喻煩惱微言有翹者喻奢摩他毗婆舍那樂見光明喻於見道銜物堅持喻聞如來說無常苦無我不淨堅持不捨猶如魔王化作佛像首羅長者見已心驚魔見長者其心動已即語長者我先所說四真諦者是說不具今當為汝更說五諦六陰十三入十九界長者聞已尋觀法相都無此理是故堅持其心不動迦葉菩薩白佛言世尊是須陀洹先得道故名須陀洹以初果故名須陀洹若先得道名須陀洹者得苦法忍時何故不得名須陀洹洹乃名為向若以初果名須陀洹外道之人先斷煩惱至無所有處得無漏道得

阿那含果何故不名爲須陀洹善男子以初
果故名須陀洹如汝所問外道之人先斷煩惱
至無所有處脩無漏道得阿那含何故不
名須陀洹者善男子以初果故名須陀洹是
人亦時具足八智及十六行迦葉言世尊得
阿那含亦復如是亦得八智具十六行何故
不得名須陀洹善男子有漏十六行有二種
一者共二者不共無漏十六行亦有二種一
者向果二者得果八智亦二一者向果二者
得果須陀洹人捨共十六行得不共十六行
捨向果八智得得果八智阿那含人則不如
是是故初果名須陀洹善男子須陀洹人緣

於四諦阿那含人唯緣一諦是故初果名須
陀洹以是因緣喻以錯魚徧觀已行行者即
是斯陀含人繫心修道爲斷貪欲瞋癡憍慢
如彼錯魚徧觀方已爲食故行行已復住喻
阿那含得食已住是阿那含凡有二種一者
現在得阿那含進脩即得阿羅漢果二者貪
著色界無色界中寂靜三昧是人不受欲界
身故名阿那含是阿那含復有五種一者中
般涅槃二者受身般涅槃三者行般涅槃四
者無行般涅槃五者上流般涅槃復有六種
五種如上加現在般涅槃復有七種六種如
上加無色界般涅槃行般涅槃復有二種或

受二身或受四身若受二身是名利根若受
四身是名鈍根復有二種一者精進無自在
定二者懈怠有自在定復有二種一者具精
進定二者不具是二善男子欲色象生有二
種業一者作業二受生業中涅槃者唯有作
業無受生業是故於中而般涅槃捨欲界身
未至色界以利根故於中涅槃是中涅槃阿
那含人有四種心一者非學非無學二者學
三者無學四者非學非無學入於涅槃云何
復名中般涅槃善男子是阿那含四種心中
二是涅槃二非涅槃是故名爲中般涅槃受
身涅槃復有二種一者作業二者生業是人

捨欲界身受色界身精勤脩道盡其壽命入
於涅槃迦葉菩薩言世尊若言盡命入涅槃
者云何而言受身涅槃佛言善男子是人受
身然後乃斷三界煩惱是故名爲受身涅槃
善男子行般涅槃者常脩行道有受三昧力
故能斷煩惱入於涅槃是名行般涅槃無行
涅槃者是人定知當得涅槃是故懈怠亦以
有爲三昧力故壽盡則得入於涅槃是名無
行般涅槃上流般涅槃者若有人得第四禪
已是人生於初禪愛心以是因緣退生初禪
是有二流一煩惱流二者道流以道流故是
人壽盡生二禪愛以愛因緣生於二禪至第

四禪亦復如是是四禪中復有二種一者入
無色界二者入五淨居如是二人一樂三昧
二樂智慧樂智慧者入五淨居樂三昧者入
無色界如是二人一者脩第四禪有五階差
二者不脩云何爲五下中上上中上上脩上
上者處無小天脩上中者處善見天修上品
者處善可見天修中品者處無熱天修下品
者處少廣天如是二人一樂論議二樂寂靜
樂寂靜者入無色界樂論議者處五淨居復
有二種一者修重禪二者不修修重禪者入
五淨居不修重者生無色界盡其壽命而般
涅槃是名上流般涅槃若欲入於無色界者

則不能修四禪五差若修五差則能訶責無
色界定迦葉菩薩白佛言世尊中涅槃者則
是利根若利根者何不現在入涅槃耶何以
故欲界有中涅槃也界則無佛言善男子是
人現在四大羸劣不能修道雖有比丘四大
康健無有房舍飲食衣服卧具醫藥象緣不
具是故不得現在涅槃善男子我昔一時在
舍衛國阿那邠提精舍有一比丘來至我所
作如是言世尊我常修道而不能得須陀洹
果至阿羅漢果我時即告阿難言汝今當爲
如是比丘具諸所須爾時阿難將是比丘至
祇陀林與好房舍是時比丘語阿難言大德

唯願爲我莊嚴方舍淨潔脩治七寶嚴麗懸
繒幡蓋阿難言世間貧者乃名沙門我當云
何能辦是事是比丘言大德若能爲我作者
善哉善哉若不能者我當還往至世尊所
時阿難即往佛所作如是言世尊向者比丘
從我求索種種莊嚴七寶幡蓋不審是事當
云何耶我於今時復告阿難汝今還去隨此
比丘意所須之物爲辦具之今時阿難即還
中爲是比丘事事具足比丘得已繫念脩道
不久即得須陀洹果至阿羅漢果善男子無
量衆生應入涅槃以所乏故妨亂其心是故
不得善男子復有衆生多喜教化其心恣務

不能得定是故不得現在涅槃善男子如汝
所問何因緣故捨欲界身有中涅槃色界無
者善男子是人觀於欲界煩惱因緣有二一
者內二者外而色界中無外因緣欲界復有
二種愛心一者欲愛二者色愛觀是二愛在
心訶責既訶責已得入涅槃是欲界中能得
訶責諸麤煩惱所謂慳貪瞋妬無慚無愧以
是因緣能得涅槃又欲界道其性勇健何以
故得向果故是故欲界有中涅槃色界中無
善男子中涅槃者凡有三種謂上中下上者
捨身未離欲界便得涅槃中者始離欲界未
至色界便得涅槃下者離欲界已至色界邊

乃得涅槃喻以錯魚得食已住是人亦尔云
何名住處在色界及無色界得受身故是故
名住不受欲界人天地獄畜生餓鬼是故名
住已斷無量諸煩惱結餘少在故是故名住
復何因緣名之爲住終不造作共凡夫事是
故名住自無所畏不令他畏是故名住遠離
二愛慳貪瞋恚是故名住善男子到彼岸者
喻阿羅漢辟支佛菩薩佛猶如神龜水陸俱
行何因緣故喻之以龜善藏五故是阿羅漢
乃至諸佛亦復如是善覆五根是故喻龜言
水陸者水喻世間陸喻出世是諸聖等亦復
如是能觀一切惡煩惱故到於彼岸是故喻尔

以水陸俱行善男子如恒河中七種衆生雖
有龜魚之名不離於水如是微妙大涅槃中
從一闡提上至諸佛雖有異名然亦不離於
佛性水善男子是七衆生若善法若不善法
若方便道若解脫道若次第道若因若果悉
是佛性是名如來隨自意語迦葉菩薩言世
尊若有因則有果若無因則無果涅槃名果
常故無因若無因者云何名果而是涅槃亦
名沙門名沙門果云何沙門云何沙門果善
男子一切世間有七種果一者方便果二者
報恩果三者親近果四者餘殘果五者平等
果六者果報果七者遠離果方便果者如世

聞人秋多收穀歲相謂言得方便果方便果者名業行果如是果者有二種因一者近因二者遠因近因者所謂種子遠因者謂水糞人功是名方便果報恩果者如世間人供養父母父母咸言我今已得恩養之果子能報恩名之爲果如是果者因亦二種一者近因二者遠因近者即父母過去純善之業遠者即所生孝子是名報恩果親近果者譬如有人親近善友或得須陀洹果至阿羅漢果是人唱言我今已得親近果報如是果者因有二種一者近因二者遠因近者信心遠者善友是名親近果餘殘果者如同不殺得

第三身延年益壽是名餘殘果如是果者有二種因一者近因二者遠因近者即是身口意淨遠者即是延年益壽是名餘殘果平等果者謂世界器如是果者亦二種因一者近因二者遠因近因者所謂衆生脩十善業遠因者所謂三災是名平等果果報果者如人獲得清淨身已脩身口意清淨之業是人便說我得報果如是果者因有二種一者近因二遠因近因者所謂現在身口意淨遠因者所謂過去身口意淨是名果報果遠離果者即是涅槃離諸煩惱一切善業是涅槃因復有二種一者近因二者遠因近者即是三解

脫門遠者即無量世所脩善法善男子如世
間法或說生因或說了因出世之法亦復如
是亦說生因亦說了因善男子三解脫門三
十七品能為一切煩惱作不生因亦為涅
槃而作了因善男子遠離煩惱則得了了見
於涅槃是故涅槃唯有因無有生因善男
子如汝所問云何沙門云何沙門果者善男
子沙門那者即八正道沙門果者從道畢竟
永斷一切貪瞋癡等是名沙門沙門果迦葉
菩薩言世尊何因緣故八正道者名沙門那
善男子世言沙門名之為乏那者名道如是
道者斷一切乏斷一切道以是義故名八正

道爲沙門那從是道中獲得果故名沙門果
善男子又沙門那者如世間人有樂靜者亦
名沙門如是道者亦復如是能令行者離身
口意惡邪命等得樂寂靜是故名之爲沙門
那善男子如世下人能作上人是名沙門如
是道者亦復如是能令下人作上人故是故
得名爲沙門那善男子阿羅漢人修是道者
得沙門果是故得名到於彼岸阿羅漢果者
即是無學五分法身戒定慧解脫解脫知見
因是五分得到彼岸是故名爲到於彼岸到
彼岸故而自訖言我生已盡梵行已立所作
已辦更不受有善男子是阿羅漢永斷三世

生因緣故是故自說我生已盡亦斷三界五
陰身故是故復言我生已盡所脩梵行已畢
竟故是故唱言梵行已立又捨學道亦名已
立如本所求今日已得是故唱言所作已辦
脩道得果亦言已辦獲得盡智無生智故唱
言我已盡諸有結以是義故名阿羅漢得到
彼岸如阿羅漢辟支佛亦復如是菩薩及佛
具足成就六波羅蜜名到彼岸是佛菩薩得
阿耨多羅三藐三菩提已名爲具足六波羅
蜜何以故得六波羅蜜果故以得果故名爲
具足善男子是七衆生不脩身不脩戒不脩
心不脩慧不能脩集如是回事則能造作五

逆重罪能斷善根犯四重禁謗佛法僧是故
得名爲常沈沒善男子是七人中有能親近
善知識者至心聽受如來正法內善思惟如
法而住精勤脩集身戒心慧是故得名度生
死河到於彼岸若有說言一闍提人得阿耨
多羅三藐三菩提者是名染著若言不得是
名虛妄善男子是七種人或有一人具七或
有七人各一善男子若有心山口異相異說言
一闍提得阿耨多羅三藐三菩提者當知是
人謗佛法僧若人心口異相異說言一闍提
不得阿耨多羅三藐三菩提是人亦名謗佛
法僧善男子若有說言八聖道分九夫所得

是人亦名謗佛法僧若有說言八聖道分非
凡夫得是人亦名謗佛法僧善男子若有說
言一切衆生定有佛性定無佛性是人亦名
謗佛法僧善男子是故我於契經中說有二
種人謗佛法僧一者不信願恚心故二者雖
信不解義故善男子若人信心無有智慧是
人則能增長無明若有智慧無有信心是人
則能增長邪見善男子不傲之人願恚心故
說言無有佛法僧寶信者無慧願創解義令
聞法者謗佛法僧善男子是故我說不信之
人願恚心故有信之人無智慧故是人能謗
佛法僧寶善男子若有說言一闡提等末生

善法便得阿耨多羅三藐三菩提是人亦名
謗佛法僧若復有言一闡提人捨一闡提於
異身中得阿耨多羅三藐三菩提是人亦名
謗佛法僧若復說言一闡提人能生善根生
善根已相續不斷得阿耨多羅三藐三菩提
故言一闡提得阿耨多羅三藐三菩提當知
是人^一不謗三寶善男子若有人言一切衆生
定有佛性常樂我淨不生煩惱因緣故
不可見當知是人謗佛法僧若有說言一切
衆生都無佛性猶如菟角從方便生木無今
有已^一有還無當知是人謗佛法僧若有說言
衆生佛性非有如虛空非無如菟角何以故

虛空常故菟角無故是故得言亦有亦無有
故破菟角無故破虛空如是說者不謗三寶
善男子夫佛性者不名一法不名十法不名
百法不名千法不名萬法未得阿耨多羅三
藐三菩提時一切善不善無記盡名佛性如
來或時因中說果果中說因是名如來隨自
意語隨自意語故名爲如來隨自意語故名
阿羅訶隨自意語故名三藐三佛陀迦葉菩
薩言世尊如佛所說衆生佛性猶如虛空云
何名爲如虛空耶善男子虛空之性非過去
非未來非現在佛性亦亦善男子虛空非過
去何以故無現在故法若現在可說過去以

無現在故無過去亦無現在何以故無未來
故法若未來可說現在以無未來故無現在
亦無未來何以故無現在過去故若有現在
過去則有未來以無過去現在故則無未來
以是義故虛空之性非三世攝善男子以虛
空無故無有三世不以有故無三世也如虛
空華非是有故無有三世虛空亦尔非是有
故無有三世善男子無物者即是虛空佛性
亦尔善男子虛空無故非三世攝佛性常故
非三世攝善男子如來已得阿耨多羅三藐
三菩提所有佛性一切佛法常無變易以是
義故無有三世猶如虛空善男子虛空無故

非內非外佛性常故非內非外故說佛性猶
如虛空善男子如世間中無罣礙處名爲虛
空如來得阿耨多羅三藐三菩提已於一切
佛法無有罣礙故言佛性猶如虛空以是因
緣我說佛性猶如虛空迦葉菩薩白佛言世
尊如來佛性涅槃非三世攝而名爲有虛空
亦非三世所攝何故不得名爲有耶佛言善
男子爲非涅槃名爲涅槃爲非如來名爲如
來爲非佛性名爲佛性云何名爲非涅槃也
所謂一切煩惱有爲之法爲破如是者爲煩
惱是名涅槃非如來者謂一闍提至辟支佛
爲破如是是一闍提等至辟支佛是名如來非



佛性者所謂一切墻壁瓦石無情之物離如是等無情之物是名佛性善男子一切世間無非虛空對於虛空迦葉菩薩白佛言世尊世間亦無非四大對而猶得名四大是有虛空無對何故不得名之為有佛言善男子若言涅槃非三世攝虛空亦尔者是義不然何以故涅槃是有可見可證是色足跡章句是有是相是緣是歸依處寂靜光明安隱彼岸是故得名非三世攝虛空之性無如是法是故名無若有離於如是等法更有法者應三世攝虛空若同是有法者不得非是三世所攝善男子如世人說虛空名為無色無對不

可觀見若無色無對不可見者即心數法虛
空若同心數法者不得不見三世所攝若三
世攝即是一陰是故離四陰已無有虛空復
次善男子諸外道言夫虛空者即是光明若
是光明即是色法虛空若亦是色法者即是
無常是無常故三世所攝云何外道說非三
世若三世攝則非虛空亦可說言虛空是常
善男子復有人言虛空者即是住處若有住
處即是色法而一切處皆是無常三世所攝
虛空亦常非三世攝若說處者知無虛空復
有說言虛空者即是次第若是次第即是數
法若是可數即三世攝若三世攝云何言常

善男子若復說言夫虛空者不離三法一者
空二者實三者空實若言空是當知虛空是
無常法何以故實處無故若言實是當知虛
空亦是無常何以故空處無故若空實是當
知虛空亦是無常何以故二處無故是故虛
空名之為無善男子如說虛空是可作法如
說去樹去舍而作虛空平作虛空覆於虛空
上於虛空里虛空色如大海水是故虛空是
可作法一切作法皆是無常猶如瓦瓶虛空
若尔應是無常善男子世間人說一切法中
無罣礙處名虛空者是無罣礙處於一切法所
為具足有為分有耶若具足有當知餘處則

無虛空若分有者則是彼此可數之法若是
可數當知無常善男子若有人說虛空無礙
與有並合又復說言虛空在物如器中果二
俱不然何以故若言並合則有三種一異業
共合如飛鳥集樹二共業合如兩羊相觸三
已合共合如二雙指合在一處若言異業共
合異則有二一是物業二虛空業若空業合
物空則無常若物業合空物則不徧如其不
徧是亦無常若言虛空是常其性不動與動
物合者是義不然何以故虛空若常物亦應
常物若無常空亦無常若言虛空亦常無常
無有是處若共業合是義不然何以故虛空

名徧若與業合業亦應徧若是徧者應一切
徧若一切徧應一切合不應說有合與不合
若言已合共合如二雙指合是義不然何以
故先無有合後方合故先無後有是無常法
是故不得說言虛空已合共合如世間法先
無後有是物無常虛空若亦應無常若言
虛空在物如器中果是義不然何以故如是
虛空先無器時在何處住若有住處虛空則
多如其多者云何言常言一言徧若使虛空
離空有住有物亦應離虛空住是故當知無
有虛空善男子若有說言指住之處名為虛
空當知虛空是無常法何以故指有四方若

有四方當知虛空亦有四方一切常法都無
方所以有方故虛空無常若是無常不離五
陰要離五陰是無所有善男子有法若從因
緣住者當知是法名爲無常善男子譬如一
切衆生樹木因地而住地無常故因地之物
次第無常善男子如地因水水無常故地亦
無常如水因風風無常故水亦無常風依虛
空空無常故風亦無常若無常者云何說言
虛空是常徧一切處虛空無故非是過去未
來現在亦如兔角是無物故非是過去未來
現在是故我說佛性常故非三世攝虛空無
故非三世攝善男子我終不與世間共諍何

以故智者說有我亦說有智者說無我亦說
無迦葉菩薩言世尊菩薩摩訶薩具足幾法
不與世諍不為世法之所沾汙佛言善男子
菩薩摩訶薩具足十法不與世諍不為世法
之所沾汙何等為十一者信心二者有戒三
者親近善友四者內善思惟五者具足精進
六者具足正念七者具足智慧八者具足正
語九者樂於正法十者憐愍衆生善男子善
薩具足如是十法不與世諍不為世法之所
沾汙如優鉢羅華迦葉菩薩白佛言世尊如
佛所說世智說有我亦說有世智說無我亦
說無何等名為世智有無佛言善男子世智

若說色是無常苦空無我乃至識亦如是善
男子是名世間智者說有我亦說有善男子
世間智者說色無有常樂我淨受想行識亦
復如是善男子是名世間智者說無我亦說
無迦葉菩薩白佛言世尊世間智者即是善
薩一切聖人若諸聖人色是無常苦空無我
云何如來說佛色身常恒無變世間智者所
說無法云何如來說言是有如來世尊作如
是說云何復言不與世諍不為世法之所沾
汙如來已離三種顛倒所謂想倒心倒見倒
應說佛色實是無常今乃說常云何得名遠
離顛倒不與世諍佛言善男子凡夫之色從

煩惱生是故智說色是無常苦空無我如來
色者遠離煩惱是故說是常恒無變

大般涅槃經卷第三十六



